

汾州府志

汾州府志卷之三十三

藝文七

扈從南出雀鼠谷

唐張說

豫動三靈贊時巡四海威陝關凌曙出平路半春歸霍
鎮迎雲罕汾河送羽旂山南柳半密谷北草全稀遲日
宜華蓋和風入袷衣上林千里近應見百花飛

奉和聖製同二相南出雀鼠谷

唐張九齡

設險諸侯地承平聖主巡東君朝二月南旆擁三辰寒
出重關盡年隨行漏新瑞雲叢捧日芳樹曲迎春舞詠
先馳道恩華及從臣汾川花鳥意併奉屬車塵

汾州府志

卷三十三

藝文

一

奉和聖製荅二相出雀鼠谷

唐徐安貞

兩臣初入夢二月扈巡邊澗北寒猶在山南春半傳頌
聲先奉御辰象復回天雲日明千里旌旗照一川柳陰
低輦路草色變新田還望汾陽近宸遊自杳然

奉和聖製荅張說出雀鼠谷

唐蘓頌

雨施巡方罷雲從訓俗迴密途汾水衛清蹕晉郊陪寒
著山邊盡春當日下來御祠元鳥應仙仗綠楊開作頌
音傳雅觀文色動台更知西向樂宸藻協鹽梅

餞潞州陸長史再守汾州

唐蘓頌

河尹政成期爲汾昔所推不榮三人地還美再臨時擁

傳雲初合聞鶯日正遲道旁多出餞別有吏民思

奉和聖製荅張說扈從南出雀鼠谷

唐 宋璟

秦地雄西夏并州近北胡禹行山啓路舜在邑爲都忽
視寒暄隔深思險易殊四時宗伯叙六義宰臣鋪徵作
宮常應星環日每紆盛哉逢道合良以致亨衢

奉和聖製荅張說扈從南出雀鼠谷之作

唐 袁暉

魏國山河險周王警蹕迴九旗雲際出萬騎谷中來石
路行將盡烟郊望忽開賞矜垂柳報春畏落花催興逸
橫汾什恩褒作頌才小臣瞻日月延首詠康哉

奉和聖製荅張說南出雀鼠谷

唐 席豫

汾州府志

卷三十三

藝文

二

鳴鑾初幸代旋蓋欲橫汾山盡千旗出郊平五校分前
林已暄景後壑尙寒氛風送蕭韶曲花鋪黼黻文鹽梅
推上宰禮樂統中軍獻賦紆天札飄飛飛白雲

奉和聖製荅張說扈從南出雀鼠谷

唐 王光庭

省俗恩將徧巡方路稍迴寒隨汾谷盡春逐晉郊來雲
騎轉行漏煙旄引從臺惠風初應律和氣正調梅雅頌
通宸咏天文接曙臺霸陵桃李色應待日華開

奉和聖製荅張說南出雀鼠谷

唐 崔翹

硤路繞河汾晴光拂曙氛笳吟中嶺樹仗入半峯雲頓
覺山原盡平看邑里分早行芳草迴晚憩好風熏嘉頌

推英宰春遊。扈聖君共欣。承睿渥日月。照天文。

奉和聖製。蒼張說扈從。南出雀鼠谷。

唐梁昇卿

何意重關道。千年過聖皇。幽林承睿澤。閑客見清光。日
御仙途遠。山靈壽域長。寒雲入晉薄。春樹隔汾香。國佐
同時雨。天文屬歲陽。從來漢家盛。未若此巡方。

故西河郡杜太守輓歌三首

唐王維

天上去西征。雲中護北平。生擒白馬將。連破黑鶻營。忽
見芻靈苦。徒聞竹使榮。空流左氏傳。誰繼卜商名。
返葬金符守。同歸石窞妻。卷衣悲畫翟。持翼待鳴雞。容
衛都人慘。山川駟馬嘶。猶聞隴上客。相對哭征西。

汾州府志

卷三十三

藝文

三

塗芻去國門。祕器出東園。太守留金印。夫人罷錦軒。旌
旗轉衰木。簫鼓上寒原。墳樹應西縻。長思魏闕恩。

咏郭有道

唐盧照鄰

大漢昔云季。小人道遂振。玉帛委閭尹。斧鑕嬰縉紳。邈
哉郭先生。卷舒得其真。雍容謝朝廷。談笑獎人倫。在晦
不絕俗。處亂不爲親。諸侯不得友。天子不得臣。冲情甄
負甑。重價折角巾。悠悠天下士。相送洛橋津。誰知仙舟
上。寂寂無四鄰。

天寶中宋州刺史有西河郡太原守張夫人輓歌

唐李

鵲印慶仍傳。魚軒寵莫先。從夫元凱貴。訓子孟軻賢。龍

是雙歸日鸞非獨舞年哀榮今共盡悽愴杜陵田

李中丞訓萬年房署少府過汾州景雲觀因以寄上

房與李早年同居此觀

唐盧綸

顯晦澹無跡賢哉常晏如如何驚孤鶴忽乃傳雙魚叙
以泉石舊悵然風景餘低回青油幕夢寐白雲居玉洞
桂香滿雪壇松影踈沈思矚仙侶紆組正軍書積學早
成道威恩難遂初梅生諒多感歸止豈吾廬

送單于裴都護赴西河

唐崔灝

征馬去翩翩城秋月正圓單于莫近塞都護欲臨邊漢
驛通煙火胡沙乏井泉功成須獻捷未必去經年

汾州府志

卷三十三

藝文

四

送汾城王主簿

唐韋應物

少年初帶印汾上又經過芳草歸時徧情人故郡多禁
鐘春雨細宮樹野煙和相望東橋別微風起夕波

巫山縣汾州唐使君十八弟宴別兼諸公攜酒樂相

送率題小詩留於屋壁

唐杜甫

卧病巴東久今年強作歸故人猶遠謫茲日倍多違接
宴身兼杖聽歌淚滿衣諸公不相棄擁別惜光輝

過宋員外之問舊莊

唐杜甫

宋公舊池館零落首陽阿枉道祇從入吟詩許更過淹
留問耆老寂寞向山河更識將軍樹悲風日暮多

謝汾州田大夫寄苴瓊葡萄

唐姚合

筐封紫葡萄筒卷白茸毛卧暖身應健含消齒免勞衾
衣疎不稱梨栗鄙難高曉起題詩報寒漸滿筆毫

留題汾上舊居

唐薛能

鄉園一別五年歸迴首人間總禍機尙勝鄰翁常寂寞
敢嫌裘馬未輕肥塵顏不見應消落庭樹曾栽已合圍
難說累牽還却去可憐榆柳尙依依

懷汾上舊居

唐薛能

素汾千載傍吾家常憶衡門對浣紗好事喜逢投宿客
刈田因得自生瓜山頭吹笛陰沈廟陌上新蒸突兀車

汾州府志

卷三十三

藝文

五

投暗作珠何所用被人專擬害靈蛇

子夏山

宋趙瞻

山因先師成令名人心仰止懸青冥文侯北面歎山扃
石室至今猶南傾直松萬株天籟聲長材大棟資連薨
溪泉四出照骨清潤物功溥民罔爭朝兮新雲澤根莖
暮兮和風發勾萌山川氣稟天地英民何知爲夫子靈
魏最稱治由師經晉俗自是多諸生時尙辭華取未精
皓首學行徒修明非無神降粥王庭國朝嘗議平文衡
斯文未喪吾道亨商之傳授今可行

比干臺

宋趙瞻

九閭大壞一木支勢知不可誠不欺商之三仁異所歸
死諫不欲狂囚爲賢哉萬世忠臣師比干而已前其誰
諫不當顯何所持忠必愛君無拂辭帝舜載賡歌康樂
風雅比興陳盛衰君賢臣聖流書詩光華榮輝同葳蕤
扶起不欲憂顛危剖心血頸鼎鑊糜此意不獨在一時
死者一傳星日垂猶有佞人乘其機順正逢惡稱諷規
甘言好語解人頤如鱖食角寢不背聰明蔽密蔀莫知
微干之節世亦疑章華非不窮我魏姑蘇一同宗社移
名與土滅埽無遺但爲世鑒那足譏茲臺巍巍存遺基
尙覺清風洒肝脾妖狐狡兔不敢依飛沙落日予心悲

汾州府志

卷三十三

藝文

六

郭林宗故宅

宋趙瞻

悲哉漢末之人士虛名譁衆世皆靡姦邪憤怒相角觝
潰然天下黨錮起黨禁根剔密如此何歟網漏郭夫子
意在大儒照物理逆鑒禍福以行已才不蓋人行不詭
謙損涵納海之水又豈高卧安閭里鴻飛鳳舉不可企
前視亂國如覆軌明哲大雅之所美有道進退能猶是
故宅莫問但遺址然誰敢謂李元禮其徒器識不能爾

鶴鳴古洞

宋趙瞻

山勢差峩接遠峰九臯鶴唳徹長空清音彷彿蒼松外
疎影依稀皓月中石洞雲封仙去後桑田世換水流同

登臨厭聽黃鸝語，弄巧綿蠻噪碧叢。

文湖漁唱 宋趙瞻

湖光瀲灩泛蓮荷，欸乃漁郎慣此過。笛韻吹殘紅蓼岸，
櫓聲搖出錦鱗窩。狂歌明月閒愁少，放浪扁舟適興多。
蓴菜鱸魚供一醉，掉歌歸去卧煙蓑。

馬跑神泉 宋盧象

將軍稱賀魯遺廟，俯靈淵。絜噴蛟龍穴，波姚赤鯉泉路。
迴芹澗水村，近石林烟野。馬含暄氣，農夫出故躔。土膏
興耒耜，尸祝傍山巔。閱世無銘石，茲遊匪幕天。頃來規
下字，必葺慕先賢。悅使成能事，掄材出俸錢。伉香推幹

汾州府志

卷三十三

藝文

七

蠱班匠擇精專，黜堊何其麗。欒櫨本自然，松青離石道。
雲白介山田，適歎飛翬速。仍憂黃雀穿梨花，寒食後桂
籍酒樽前，饑麝尋香栢。流鶯助晚絃，吳歛摧玉笋。趙舞
落金鈿，上已無過酒。春衣試欲湔，故園思鞏洛。楔飲客
汾川寄語西河老，鄉心朝暮懸。

魏侯故城 宋袁藏雲

獨向條陽翠靄行，杖藜徐步愴吟情。長河漫有懷山迹，
故國空傳讓畔名。遠樹半遮千木廟，斷雲猶鎖魏侯城。
可憐列土繁華地，祇是寥寥作釣耕。

和詣巖祈雨 宋皇甫韶辭

路盡山尤勝溪深水愈豪寺樓今不見依舊五峰高

宿平遙集福寺

金劉濤

院僻和僧靜門閒與晝長燕泥朝雨淖蝶蕊晚風香野
興煎詩思乾愁繞客腸青奴如解事供我莫牕涼

登縣山上方

金周昂

環合青峰插劔長小平如掌寄禪房危闌半出雲霄上
祕景盡收天地藏野闊羣山驚破碎雲低滄海認微茫
九華籍甚因人顯迥秀可憐天一方

碧鮮堂

金趙大端

寒陰鏤碎暗僧軒玉立森森翠滿前墜露修梢雲影溼

汾州府志

卷三十三

藝文

八

破縹春筍綺文鮮雅宜冷映梅溪月尤稱香浮茗竈煙
清夜沈沈正成寐恍疑飛夢繞淇川

臨泉道中

金蕭貢

半世事行役茲游初未經峽門迷白晝嶺脊上青冥澗
曲莓苔滑松盤霧雨溟登危人跼躄涉險馬鈴屨落日
留行客提鞭得驛亭短牆明積雪破屋漏疏星羌笛誰
三弄羈懷強一聽葭蘆知不遠河外數峰青

謁狄武襄祠

金王鏞

傑士西河秀英雄挺偉姿奮身甘衛國彌節願匡時妙
略風雲會威名草木知功高懾南服計重破西陲定亂

勞三箭平戎在一麾勢傾銅柱遠聲振玉關奇頗牧才
何濟孫吳譽竝馳朝廷分重寄將相賴兼資豹略多全
勝鷹揚屢捷師雍容敦禮樂談笑屈字缺一二褒錫酬車服
勲勞著鼎彝雲臺儼冠劔麟閣繪形儀錦里家仍在蘭
陵塚不隳風號墳上木苔漬廟前碑過客煩詩句居人
奉洒扈汾陽遺美蹟千古話芳規

送二道者歸汾州

金許安人

介休山下兩閒人來訪汾陽舊使君明日却歸塵外去
一雙白鶴上青雲

贈益公和尚還超山

金王廷筠

汾州府志

卷三十三

藝文

九

平沙漠漠鴈翩翩風弄菰蒲水拍天短艇得魚撐月去
一聲漁笛破寒煙

題南山友雲亭

金王廷筠

朝遊南山南暮遊北山北所以兩山雲盡與師相識師
自出山去雲亦出山飛兩人眇何許矯首送雲歸雲歸
人未歸小亭無恙否向來有奇姿無庸變蒼狗雲兮淡
而貞載與尋宿盟論交須耐久持贈近無情清風動亭
側明月生空碧嘉時爲招呼相與成三益

壽聖院古柏詩

金普信

老柏千株不記年滿堂中夜冷生煙不容明月秋幽地

欲作驚蛇春上天雪後未忘夫子道風前猶記祖師禪
曉聞寒韻披衣起錯認廬山落澗泉

途次張南

金石玠

迢遞張南驛蕭然動客愁天風吹木葉落日盡城頭兵
氣逢秋肅河聲入夜流那堪久行役搔首獨登樓

送王子壽之元遙

元段成已

卜築謀南邁回轅遽北之有情慚見厚無語只空悲易
忍行時淚難堪別後思明年鴈到日屈指數歸期

過鹿臺山

元王惲

遠尋文石岡來歷南山纏鹿臺臺爲山幽徑蟠古篆後

汾州府志

卷三十三

藝文

十

峪行未盡前嶺已當面秋聲蕩林樾風露淒以泫陰壑
氣翳鬱疑有虎豹變山田苦無多溝崦耕已徧柴椽結
半空羅絡碧巖轉自憐終歲勤獸患防一旦我本山中
人束帶對郵椽頓然還舊觀瀟灑償夙願行經雙蟾嶺
石怪驚變現闖首檨樹間氣自太古練月中誰推墜囚
鎖屬山縣乃知北平守認虎飲羽箭物肖本偶然長歌
下層巘

汾州北席里石氏節婦

元陳旅

北里高樓晝掩扉水銅光冷上苔衣寸心誓比南山石
汾水秋風鴈不歸

義棠廢橋

元 鈕克讓

鞭石駕空虛，伐山頽削劣。長橋當面起，陰靄見虹霓。汾河動地至，崩濤響霹靂。勢壓銅山摧，風馳羽箭激。水石相撞擠，群鯨隨蕩折。百年締造功，遭此洶水擊。遂令北村民，往來無翼翼。提榼廢朝沽，負囊嗟暮糴。坐見病涉圖，何由救漂溺。憶昔結構初，十錘震駭若。飛空百丈梯，運石如運甓。橫亘截雲峰，突兀立鐵壁。萬物無堅牢，世事等飄焱。獨立沙堤邊，蒼茫何所適。

登南城樓

元 楊乘

南來綿水抱城隈，漉漉流沙去復回。却上高樓看山色，

汾州府志

卷三十三

藝文

十一

畫圖十幅雨中開

送友歸介休

元 魯翀

游踪曾向薊門過，樂府刀環夢裡歌。今日青山真踐約，鬢絲應比昔年多。

題郭林宗墓

明 薛瑄

幾經滄海變桑田，高塚長留古道邊。瑞鳳有時鳴曉日，冥鴻終古沒秋煙。關河迢遞膺舟隔，江漢空茫雅信傳。千載有碑應不愧，路人猶自識高賢。

過孝義縣有感

明 于謙

茫茫煙樹遶孤城，千古猶傳孝義名。郭巨墓荒春草合，

比干臺古野煙生落花飛絮迷征旆剩水殘山惱客情
鞍馬匆匆無限意不堪回首暮雲平

介休道中

明程可中

征旅聊因當勝游庶饒那復數中州雪融隙地培桑棗
日出通衢噫馬牛望望懸山侵面出時時汾水避人流
太行春色黃河外猶自嚴寒滿敝裘

超峯曉月

明任良才

聳出千山接太空山頭初曉月溶溶晴嵐蚤霽橫青黛
湫沼泗潏映碧瓏五月花殘無湛露三春松古有寒風
幽人策杖登臨日天下奇觀一望中

汾州府志

卷三十三

藝文

十二

源池潤民

明曹武

寒泉漱玉徹清流曲轉餘波兩岸秋浪卷平原黃種熟
雲迷沃野綠陰稠池心帶雨千洑碧水面凝煙一鏡幽
試問村墟勤歲叟膏泥深處出瓊羞

詠周卿士將臺

明任良弼

山城周室六軍臺世遠星移紫霧埋將壘四圍無鐵馬
女牆半落有蒼苔殿廊重建人安在草木成林鳥復來
從今誰主爭雄地明月清風任往迴

送客遊長春觀

明賈璇

長春觀裏最幽清送客西歸適我情獨賞孤松含晚翠

不看衆木占先榮。四圍山色濃還淡。一派河流縱復橫。
若說仙家都是幻。何如拍手鶴來鳴。

宿鋤溝鎮和石橋韻

明王素屏

白髮年來種種生。幾回對鏡使人驚。故鄉北望三千里。
官路西行數十程。廿載離家緣薄宦。半生悞我是虛名。
夜深孤館渾無寐。獨伴寒燈待月橫。

段干木祠

明王翰

殺妻吳起非良將。食子樂羊真鄙人。爭若先生無一事。
西河能解虎狼秦。

羊羔酒出山西汾州孝義諸縣白色瑩徹如冰清美

汾州府志

卷三十三

藝文

十三

饒風味遠出襄陵之上。小挾羶氣耳。

明王世貞

清心玉映五銖衣。可是朱顏有愠羝。爲道臯蘭秋月下。
流蘓帳底見明妃。

三陽雲鳳山

明張湘

華嶽當年是舊遊。此間何日醉蒙頭。官辭諫議歸仙洞。
醉識真人下酒樓。優詔九重丹鳳杳。野心一片白雲留。
三陽山上空塵蹟。只有長河水自流。

題林宗

明祝顥

四海頽波正橫流。褰裳猶自遠周遊。笑談不顧三公辟。
標榜終懷八顧憂。舉世英豪攀逸駕。至今風度想仙舟。

松青雲白南山下多少行人拜墓邱

謁狄武襄公墓

明祝顥

蚤因黥涅募從軍
天賦英姿迥出羣
動合兵書眞熟武
閒觀經傳亦通文
高明不受梁公像
智勇能追漢將勲
慨想丰標豈易得
爲停車騎拜穹墳

謝郡侯張公禱雨輒應

明孔天胤

使君閔雨愜靈心
一請垂天三日霖
笙鼓水龍喧社處
兒童竹馬躍城陰
青山閣眺晴光滿
翠野帷褰秀色深
歲有何人不稱慶
老農先奉萬年吟

望介山緬懷郭有道先生

明孔天胤

汾州府志

卷三十三

藝文

十四

鴻飛白雲中衆鳥徒營營
達士一何遠杳然凌太清
內蘊係身哲外無絕俗貞
橫波順仙棹角巾偶華纓
誓將斷巨鰲支彼天柱傾
時哉不我與高嶺獨含情

送李西渠通府署汾畢事還潞

明孔天胤

五龍高郡出浮雲
一鶴清風借與汾
月在冰壺同亮采
雨隨芝蓋下晴曛
舊疆還守車仍邁
新館留行袂竟分
東望迢遙盡烟樹
可勝嵐嶺復氤氳

贈程一山叅戎始建牙汾郡

明孔天胤

北闕授符推轂後
西河分闡建牙初
宏修軍禮昭文幕
遠闡兵威到朔廬
戍靜關山和月唱
氓安隴晦帶經鋤

方知上將收全勝頓令邊庭絕羽書

贈張龍嵎太守入覲榮旋

明孔天胤

春日朝迴守舊疆萬家烟景襲餘光桃紅細雨隨車下
蘭葉香風引綬長再見王君馳蜀道重逢寇老借河陽
依然美稷兒童輩竹馬紛紜迓路傍

仙槐觀訪王全真道士

明孔天胤

搶榆猶不至容與道林翔庭儼更生樹人修不死方詩
瓢逢隱逸茗椀酌清香無限青霞意偏令此地長

題林宗墓

明沈伯咸

小雨綿山過野田林宗古墓夕陽邊鴻飛萬里芝留澗

汾州府志

卷三十三

藝文

十五

鶴返千秋松卧煙落帽清風爭折角蕩州春水擬登仙
勤予亦致生芻莫敢謂同心企大賢

鐵索嶺

明趙訥

節節高巖上誰知復有山便當安見在何事費躋攀天
險本自絕人爲故不閒因憐好進者豈止仕途間

普濟渠

明趙訥

城居厭煩燠偶到南山陲屋舍溪流處田園雨後時野
花鋪作繡嘉樹列成帷霧隱無如此慚非玄豹姿

廣仁寺

明趙訥

高秋尋遠寺萬象與心清窻竹籠僧語簷風遞磬聲波

澄禪意定葉落俗緣輕但得閒中趣何須世上名

興國寺 明趙訥

勝遊憑地主流憇有柴門預問登山路還將窮水源古
槐列疏冷老栢聳駢繁閒對高僧坐鳴鐘晝已昏

題介子 明趙訥

蒼蒼綿上遙松柏滿山椒古廟今猶在遺魂不可招乾
坤留舊蹟陵谷變前朝斜日西風起林巒自寂寥

早度上店嶺 明宋岳

征輿當曉發麾劍倚秋風霜葉紅干樹雲山碧萬重村
童喧吸水野老醉攜筇藩守慙多拙惟應喜歲豐

汾州府志

卷三十三

藝文

十六

卜山書院

明慶成王朱知燦

卜山擁翠勢崢嶸世遠空堂草自橫澗底寒流鳴咽裏
令人疑是讀書聲

謁狄武襄公祠

明范珠

宋祚方興未平將軍百戰捍危城流言難泯生前節
信史猶傳身後名八尺穹碑蒼蘚合一區故宅野雲橫
晚來風撼溪山樹彷彿南征萬馬聲

過黃蘆嶺題

明楊璿

冉冉夕陽西行行信馬蹄亂雲山遠近碎石路高低黃
鼠作人立玄猿迎客啼自緣羈思切觸景轉淒淒

懷古 明楊伯柯

郭林宗

東京主德衰舉世尚揚摧士論日以清朝政日以濁不知禍所基猶自矜高卓及乎黨錮興善類遭掎掬賢如李杜輩駢首就刑劇哲哉郭林宗千仞翔鳳鸞和不與物比清不與衆角立身有常儀讒怨無由作至今士一邱士林仰先覺

狄青 明楊伯柯

將軍奇特士發身自行伍志畧既過人姿壯復英武敵人望其來畏之若猛虎初破元昊師遂荷范公許一握大將符勃勃氣愈吐儂寇方鴟張一戰成逃虜此功亦甚高予獨別有取不除黔面文不認梁公祖二事出真誠卓哉越千古

校士喜雨 明趙喬年

同雲瀰漫雨垂垂正是三農閔望時太守何能尸帝力皇穹原自軫民危煙籠棘院龍蛇舞霧擁文林桃李滋自此西河多樂事微臣擬獻太平詩

汾州閱武 明魏允貞

親提虎旅控西河聞道 遮塞過闌外秋聲生鐵甲臺前霜色上雕戈材官一夜精神倍野戍三秦殺氣多

安得普天烽火熄，盡將鐃吹變笙歌。

卜山書院

明慶成王朱愼鍾

洙泗傳經業，河汾退老居。山深惟石室，泉隱自林墟。樹鳥鳴先哲，階蟲篆古書。聖門重高尚，千載仰芳譽。

過金鎖關題

明朱鳳岩

世事已如此，勞勞愧此生。十年塵土夢，萬里故鄉情。曲路稀人跡，高天有鴈聲。羞看白髮變，忽爾壯心驚。

文湖漁唱

明鄭儀

萬頃銀濤裏，扁舟雜往還。煙消然竹籜，日上整綸竿。睡足蘆花月，歌殘雲水灣。得魚橫野渡，心與白鷗閑。

汾州府志

卷三十三

藝文

十八

題法興寺

明朱表楡

載酒東林上，已前春風消息。杏花邊日長，塔院逢僧奕。草暖堦除見鹿眠，流水漸融巖洞雪。清雱未散石堂煙，平生也解求心性。一到禪關一了然。

亂後過天寧寺

明朱奇涵

禾黍離離烟滿川，寥寥孤鴈夕陽邊。將軍馬繫禪林下，借得僧牀一覺眠。

鶴鳴古洞

明崔士榮

山人騎鶴入遙空，祇聽餘音振谷中。遺跡千年成勝景，浮生半世類飄蓬。黃花招客樽盈綠，碧洞棲雲木落紅。

忽憶家山深隱處，巢由高轍許誰同。

宿吳城驛

明 黃素屏

登登鳥道亂山多，白草黃蘆遍石坡。
絕壁倚空凝積雪，飛流直下激層波。
紅塵歲月驚秋盡，清鏡勳名奈老何。
立馬西風增感慨，籌邊何日許重過。

過有道先生墓

明 沈鍾

草根沙軟霜花白，客衣馬上寒於鐵。
介休縣僅半舍餘，突見高墳俯城陌。
乃知縣人郭林宗，千古於茲妥魂魄。
挽衣下馬立斯須，北面稽首躬趨謁。
憶昔漢季丁桓靈，黨錮之禍如蝟興。
海內英賢被名誤，枉死不獨滂與膺。

汾州府志

卷三十三

藝文

十九

君名當世良不薄，角巾折亦人爭學。
胡爲明哲獨全身，黃鵠高飛能寥廓。
我欲起君一問之，九原邈矣將奚爲。
青山亦復不能語，三復扼腕空遐思。
嗟乎三復扼腕空遐思。

孝義有感

明 魏綸

薄宦觀風日蕭條，歲暮天空林巢鳥。
露遠岫凍雲懸草，沒文侯墓冰堅孝子川。
自慚叨國祿行役，又經年。

立秋日遊東觀課應試諸生

明 劉有誠

宿雨濛濛暑欲收，肩輿不爲訪丹邱。
文昌昨夜輝三晉，才子同時第一流。
逼眼槐花忙驥足，報秋桐葉過樓頭。

熙朝幸際唐虞世勲業誰當禹稷儔

薛頡晚照

明張冕

一聲殘角又黃昏無數牛羊遠近村十里平川生暮色
半邊林影入柴門人爭問渡呼舟急鳥欲棲巢向樹喧
遙望幽巖深翠裏孤鐘隱隱出祇園

題林宗祠

明蕭啟

暫停車馬謁荒祠高節清風想昔時明哲獨能逃漢黨
人亡誰解慟周詩斷碑零落藏榛莽古墓荒涼近路岐
英爽若存應識我生芻莫訝奠來遲

窮民歎

明王文清

汾州府志

卷三十三

藝文

二十

戊辰中秋同友人觀月而歸見閭巷有窮民向月

悲楚者因感而作

明王文清

乾坤萬里湧金波碧霄滄海影婆娑何秋不見光皎潔
何人不見清冰雪或捲蝦鬚廠鶴軒或封蝸竇處鳶蹲
或漱蟾晶喜炎息或畏冰鏡愁寒織或奏雲璈簇管絃
或泣露葉血涕漣非是天月有悲歡貧人難與富人般
貧人屋上非無月貧人骨中髓已竭種蠶全家無一絲
種穀終日無半炊得錢數緡遣一女得粟數斛賣一子
子女化離腸欲絕吏債追呼心滴血春夏蚩蚩盼秋期
秋期怕見月上時四壁磬懸寒徹骨殘魄亦照窮愁窟

啼鳥啞啞鼓角秋鳴，蜩噤噤鬢髮颯梧葉楓林朝墜駛。
夢魂擾擾如欲死，慘淡蚱蜢和爾爲閉門椎爾淚平湄。
今生願祝中秋月，照破窮愁四海歇。

白馬仙洞禱雨

明許天球

春郊聯轡訪仙蹤，洞口桃花色正濃。白馬已隨黃鶴遠，
蒼虹猶見紫苔封。重巒殿古懸雲榻，絕澗崖空瀉石淙。
爲報山靈元應禱，甘霖時霈慰三農。

過永寧

明李邦彥

匹馬來過舊石州，荒城殘壘暮堪愁。哭聲尙逐風聲咽，
兵氣猶兼厲氣浮。三晉黎民多北走，千山白骨未全收。

汾州府志

卷三十三

藝文

二十一

何時得掃

塵靖爲雪當年漢國羞

次平遙夜望

明韓邦奇

漠漠荒城署飄飄，旅笛哀坐看寒燭盡。愁絕夜更催冀，
北花爭發塞西鴈不來。歲華容易改，春盡且塵埃。

尹吉甫墓

明韓邦奇

瞻仰周卿士，淒其古墓門。苔荒啼鳥跡，草沒斷碑痕。
俎豆千秋遠，儀型百世尊。空留臺畔月，常照此乾坤。

讀壁間端溪韻有懷

明韓邦奇

不見端溪十四載，江南塞北日相思。郵亭此夜無窮意，
對月遙看壁上詩。

孝義謁孔廟遇雨

明韓邦奇

星門侵曉闢化雨向春滋
烏雀喧壇樹蛟龍起泮池
衣冠三晉士道德萬年師
獨愧觀風使無能荅盛時

抱腹巖

明韓邦奇

崔巍峻嶺與雲連
梵刹宏開際碧天
佛殿有風金鐸響
石巖無雨綵旛懸
優曇砌上花香馥
祇樹林中鳥性禪
信是空王有靈異
祥光絢耀起前川

題介郭

明馬卿

林宗不絕俗介子固深逃
秉心各自潔夷惠豈殊操
嗟我尙縻祿憂思日夜勞
終然慕高爵長揖過林臯

汾州府志

卷三十三

藝文

二十二

謁有道祠

明胡漢

先生出處漢人豪
半畝祠堂半野蒿
古木寒鴉棲未穩
霜清天濶月輪高

由關子嶺發兵入綿上

明高叔嗣

戎衣曾事主羽檄日徵軍
敢奮一朝畫而邀百戰
勲深山連古木落日斷黃雲
愁思荒村夕誅求不忍聞

十一月朔孝義道中

明高叔嗣

山城風物歲將闌
行縣初因問俗安
授歷漫驚違一載
趨朝尙計逐干官
煙鐘動闕天微曙
火樹薰庭夜不寒
久忝恩私今始悟
簿書催急驛程難

試府學寧鄉兩學諸生明倫堂

明文翔鳳

巴蜀規王者西河疑聖人荆州既持論終亦謬稱臣從
來多自大不免笑洪鈞龜茲應非馬匍匐壽陵塵夜郎
休擬漢禹圖曠無垠六經續王氏雅志抗千鈞廡門談
禮樂雍雍在河汾仇董將無褊顏冉未堪倫姚薛成中
說輒以當泗濱遂被吳楚誚壯夫挂志瞋吾道歸位聖
加奉斗樞尊羽儀方端木九江苔濫淫黍應教化主廣
大括一元堂端危獬豸代野括麒麟誓以天人力破茲
歷劫昏長庚搴右幟犬丙推輕輪一戰清江湖再戰踰
崑崙奇書收羣玉明珠采大秦希聖稱良宰絕筆贊獲

汾州府志

卷三十三

藝文

二十三

麟文學匪具眼言語聊激膺卜山一杯土甘爲魏侯藩
願曳垂雲衆八紘掩俊民彌天兼四海釋習眇羊積

巡西河見兩學諸生郊迎輶軒有句書以示之

明文翔鳳

子佩青於千樹柳帳紗紅是半天霞桃花水裂文湖錦
蘋末風還后土家電影欲飛登座舌帝鄉新到借書車
吾將促發陽春箭坐督烟香入露華

西河建衡文臺告成予以春十三白初蒞喜賦

明文翔鳳

乍見文昌第一宮梁拖飛電礎盤虹僊靈拱手紅雲握
星座垂光綠玉瞳春借錦毫干氣色運憑神力破鴻濛
誰能敏冠三千土蚤攬青天繼聖功

題林宗

明 蘓舜澤

高張琴絕絃暗投珠委路嗟哉東都士禍樞踵危步穆
穆郭林宗深心托幽素含章貞自抱誠微幾早悟仙舟
聊可竝墮甑豈堪顧懿彼烝民章明哲伊誰賦

秋月登石樓山

明 李瀚

倚醉尋殘壁拂雲認舊題林扉秋色早山崦夕陽低白
髮雙吟屐清風一杖藜興來還履險疑是躡丹梯

閱士西河值久旱喜霖雨沾渥漫賦二律步壁間文

太青先生韻

明 吳時亮

教衍河汾聖澤賒人文蔚起赤城霞薰風徧洽凌霄士

汾州府志

卷三十三

藝文

二十四

甘澍挖敷望歲家應識詞源能倒峽敢云化雨卽隨車
滄溟波湧神魚躍會看文湖翻浪華

森森桃李晉陽宮劍倚青天氣吐虹燭漢奎光絢五色
連城寶焰徧雙瞳望慚韓斗雲霞迴澤借商霖煙霧濛
藝苑漫誇香雨潤滋培玉樹揔神功

登南山寺有感

明 王守履

尋幽覓景好從吾茶命僧烹酒屬沽舉足心常防錯誤
登山路不畏崎嶇摩霄松柏風霜古傍月禪林世界殊
羽檄忽傳頻悵望朝天何策獻奇謀

過林宗墓

明 黃洪昆

角巾吹折憶王孫。出使星軺過古墳。汾水魚龍閒白晝。
漢家宮殿正黃昏。係身暗識高賢恨。駢首誰招黨錮魂。
千載精靈何處是。鶴鳴華表夜深聞。

弔子推祠

明楊巍

每於青史想高風。故里經過悵望中。欲弔當時栖隱處。
滿山殘樹夕陽紅。

源泉

明王一魁

縣治東南三十里有泉出山下名源蓋卽酈道元
縣山石洞水也泉分東中西三河余爲濬渠均流
漑田萬畝且著約束以息爭端民甚便之又改建

汾州府志

卷三十三

藝文

二十五

源神祠宇祠前起樓曰鳴玉又構軒左右曰趨稼
三河北去是橫汾目極平川幾派分遠岫連天都入畫
囿風吹浪動成文決渠競注瀟湘雨奮鍤俄興觸石雲
爲問田家何事業休將游惰悞耕耘
倚山樓閣鬱崔嵬蜃氣疑從海上來入檻泉聲鳴珮玉
當簷樹影落罇壘將雛野雉高還下驅犢農人去復迴
欲向秋風重寓目離離禾黍繡成堆

長春觀

明鄭柏齡

烟霄開紫閣雲日亂青林怪石臨流淺幽花入院深縈
迴盤水曲迢遞俯岩陰爲愛山源好春來幾度尋

汾上夜歸

明 裴 邦 奇

一篙烟水碧潺湲，幾片秋雲度遠山。
最愛白蘋洲上月，夜深常送釣船還。

住持天寧寺

明 釋 妙 總

語言全不滯高涉，祖師蹤夜坐連雲石。
春栽帶雪松鏡，明金殿冷山蒼月樓鐘。
有問西來意，虛堂對遠峰。

半癡

明 徐 渭

小鳥形半於雉，名半翅癡而易襲。
又名半癡縣山，多有之。

厄與癡相半，禽將鼠共縣。

上谷人與黃鼠共稱

味雖供客好，名却

汾州府志

卷三十三

藝文

二十六

使人憐所下，惟雙筋何妨少。
一拳如聞三嗅，叟笑殺雉羹筵。

督家僮築場

明 朱 愼

露墜聞秋氣，原田已漸黃。
夕陽西嶺下，暝色遠邨涼。
爾輩宜乘月，將鋤好築場。
蟲吟聲在草，切莫誤相傷。

過屏風山

明 王 鳳 翼

天外屏山類削成，葱籠佳氣接孤城。
松蟠鳥道侵雲直，水遶羊腸徹澗清。
騷客揮毫堪作賦，仙翁跨鶴欲吹笙。
深林不見樵蘇者，絕頂風過短笛聲。

